


8° P. O. T. 544 (1)

W



...
...
...

金

瑞

梅

梅
如
梅

一

一

如

梅

...
...
...
...
...

彭城張竹坡批點

第

一

奇

書

金

瓶

梅

姑蘇
原板

華鵬草堂梓行

叙

金瓶一書傳為鳳洲門人之作

也或云即鳳洲手然纏之詳

一百回內其細鍼密線每令觀

者望洋而嘆今經張子竹坡

一批不特照出作者金銀之細
兼使其粉膩香濃狐窮秦
鏡怪窘溫犀無不洞鑿原
形的是渾豔異舊手而出
之者信乎為鳳洲作無疑

也。然後知豔異而淫以其異
而不顯其艷。金瓶之艷以其
不異則止。覺其淫故懸鑑
燃犀。遂使雪月風花瓶
罄篋梳陳莖落葉。諸精

霸茅物粒矯逞態以欺世於

數百年間一旦潛形無地蜂

蝶苗名杏梅爭色竹坡其

拍石眼胡乎向奕珠宮教人

生憐憫畏懼心今後者官睹

4
西門慶等各色勾物弄影行
間能不憐憫能不畏懼乎其
視金蓮者作孽徒觀矣不
特作者解頤而謝覺今天下
失一金瓶梅添一豔異編豈

不火奇

首

康熙歲次乙亥清明中浣

秦中覺天者謝願題於

泉鶴堂

一此書非有意刊行偶因一時文興借此一試目力且成于十數天內又非十年精思故內中其大段結束精意悉照作者至于鎖碎處未暇請教當世幸暫量之

一水滸傳聖嘆批處大抵皆腹中小批居多予書刊數十回後或以此爲言于笑曰水滸是現成大段畢具的文字如一百八人各有一傳雖有穿插實次第分明故聖嘆止批其字句也若金瓶乃隱大段精采于鎖碎之中止分別字句細心者皆可爲而反失其大段精采也然我後數十回內亦隨手補入小批是故欲知文字綱領者看上半部欲隨目成趣知文字細密者看下半部

亦何不可

一此書卷數浩繁偶爾批成適有五便隨刊呈世其內
或圈點不齊或一二訛字目力不到者尙容細政祈讀
時量之

一金瓶行世已久予喜其文之整密偶爲當世同筆墨
者開中解頤作金瓶者或有所指予則並無寓諷設有
此心

天地君親其其懽之

臯鶴堂批評第一奇書金瓶梅

竹坡閒話

金瓶梅何爲而有此書也哉。曰此仁人志士孝子悌弟不得於時。上不能問諸天。下不能告諸人。悲憤嗚咽。而作穢言以泄其憤也。雖然上既不可問諸天下。亦不能告諸人。雖作穢言以醜其讐。而吾所謂悲憤嗚咽者。未嘗便慊然于心。解頤而自快也。夫終不能一暢吾志。是其言愈毒。而心愈悲。所謂含酸抱阮。以此固知玉樓一人。作者之自喻也。然其言既不能以泄吾憤。而終于含酸抱阮。作者何以又必有言哉。曰作者固仁人也。志士也。孝子悌弟也。欲無言而吾親

之仇也。吾何如以處之。欲無言而又吾兄之仇也。吾何如以處之。且也爲仇于吾天下萬世也。吾又何如以公論之。是吾旣不能上告天子以申其隱。又不能下告士師以求其平。且不能得急切應手之荆。聶以濟乃事。則吾將止於無可如何而已哉。止於無可如何而已。亦大傷仁人志士孝子悌弟之心矣。展轉以思。惟此不律。可以少泄吾憤。是用借西門氏以發之。雖然。我何以知作者必仁人志士孝子悌弟哉。我見作者之以孝哥結也。磨鏡一回。皆蓼莪遺意。啾啾之聲。刺人心骨。此其所以爲孝子也。至其以十兄弟對峙。一親哥嫂。未復以二搗鬼爲緩急相需之人。甚矣。

殺狗記無此親切也。聞嘗論之。天下最真者莫若倫常。最假者莫若財色。然而倫常之中如君臣朋友夫婦可合而成。若夫父子兄弟如水同源如木同本。流分枝引莫不天成。乃竟有假父假子假兄假弟之輩。噫此而可假。孰不可假。將富貴而假者可真。貧賤而真者亦假。富貴熱也。熱則無不真。貧賤冷也。冷則無不假。不謂冷熱二字顛倒真假一至于此。然而冷熱亦無定矣。今日冷而明日熱。則今日真者假而明日假者真矣。今日熱而明日冷。則今日之真者悉爲明日之假者矣。悲夫。本以嗜慾故遂迷財色。因財色故遂成冷熱。因冷熱故遂亂真假。因彼之假者欲肆其

趨承使我之真者皆遭其荼毒。所以此書獨罪財色也。嗟嗟。假者一人死而百人來。真者一或傷而百難。曠世卽有假聚爲樂者。亦何必生死人之真骨肉以爲樂也哉。作者不幸。身遭其難。吐之不能。吞之不可。搔抓不得。悲號無益。借此以自泄其志。可悲。其心可憫矣。故其開卷卽以冷熱爲言。煞末又以真假爲言。其中假父子矣。無何而有假母女。假兄弟矣。無何而有假弟妹。假夫妻矣。無何而有假外室。假親戚矣。無何而有假孝子。滿前役役營營。無非於假景中提傀儡。意識其假。則可任其冷熱。守其真。則可樂吾孝弟。然而吾之親父子已荼毒矣。則奈何。吾之親手足已

飄零矣。則奈何。上誤吾之君。下辱吾之友。且殃及吾
 之同類。則奈何。是使吾欲孝而已。爲不孝之人。欲弟
 而已。爲不弟之人。欲忠欲信而已。放逐讒間於吾君。
 吾友之側。日夜咄咄。仰天太息。吾何辜而遭此也哉。
 曰。以彼之以假相聚故也。噫。嘻。彼亦知彼之所以爲
 假者。亦冷熱中事乎。假子之于假父也。以熱故也。
 假弟。假女。假友。皆以熱故也。彼熱者。蓋亦不知浮雲
 之有聚散也。未幾而冰山頽矣。未幾而閹闕朽矣。當
 世驅已之假以殘人之真者。不瞬息而已之真者。亦
 飄泊無依。所爲假者安在哉。彼于此時。應悔向日爲
 假所誤。然而人之真者。已生二百年。彼留假傀儡人。

則有真怨恨。怨恨深而不能吐。日釀一日。蒼蒼高天。茫茫碧海。吾何日而能忘也哉。眼淚洗面。椎心泣血。卽百割此仇。何益于事。是此等酸法。一時一刻釀成。千百萬年死。而有知皆不能壞。此所以王樓彈阮來。愛姐抱阮去。千秋萬歲。此恨綿綿無絕期矣。故用善。淨以解冤。偈結之。夫冤甚于不可解之時。轉而求其解。則此一刻之酸。當何如舍耶。是憤已百二十分。酸又百二十分。不作金瓶梅。又何得消遣哉。甚矣仁人志士。孝于悌弟。上不能告諸天。下不能告諸人。悲憤鳴咽。而作穢言。以泄其憤。自云舍酸。不是撒潑。懷七囊錘。以報其人。是亦一舉。乃作者固自有志。恥作荆

聶寓復仇之義于百回微言之中。誰謂刀筆之利不
殺人于千古哉。此所以有金瓶梅也。然則金瓶梅我
又何以批之也哉。我喜其文之洋洋一百回而千針
萬線同出一絲。又千曲萬折不露一線。閒窓獨坐讀
史。讀諸家文少暇。偶一觀之。曰。如此妙文。不爲之遞
出金針。不幾辜負作者千秋苦心哉。久之。心恒怯焉。
不敢遽操管以從事。蓋其書之細如牛毛。乃千萬根
共具一體。血脈貫通。藏針伏線。千里相牽。少有所見。
不禁望洋而退。邇來爲窮愁所迫。炎涼所激。于難消
遣時。恨不自誤一部世情書。以排遣悶懷。幾欲下筆。
而前後拮据。甚費經營。乃擱筆曰。我且將他人炎涼

之書。其所以前我經營者。細細筭出。一者可以消我
胸懷。二者筭出古人之書。亦可筭我。今又經營一書。
我雖未有所作。而我所以持往作書之法。不盡備于
是乎。然則我自做我之金瓶梅。我何暇與人批金瓶
梅也哉。

西門慶房屋

門面五間。到底七進。後要房壁子。虛房共作花園。

上房。月娘住。

西廂房。玉樓住。

東廂房。李嬌兒住。

堂屋後三間。孫雪娥住。

後院。廚房。

前院。穿堂。

大客屋。

東廂房。大姐住。

西廂房。

儀門。

儀門外。則花園也。三間樓。一院。潘金蓮住。又三間樓。一院。李瓶兒住。二人住樓。在花園前。過花園方是後邊。

花園門。在儀門外。後又有角門。通着月娘後邊也。

金蓮瓶兒兩院。兩角門。前又有一門。卽花園門也。

花園內。後有捲棚。翡翠軒。前有山子。山頂上臥雲亭。

半中間藏春塢雪洞也。

花園外。卽印子舖門面也。

門面傍。開大門也。

對門。乃要的喬親家房子也。

11
獅子街乃子虛遷去住者。瓶兒帶來後開絨線鋪。又
獅子街卽打李外傳處也。
內儀門外甬道傍乃羣房朱蕙蓮等住者也。

內通門外南改後不...

博于後明日本...

卷八千五...

批評第一奇書金瓶梅讀法

劈空掇出金瓶梅三個人來。看其如何收攏一塊。如何發放開去。看其前半部止做金瓶。後半部止做春梅。前半人家的金瓶。被他千方百計弄來。後半自己的梅花。却輕輕的被人奪去。

起以玉皇廟。終以永福寺。而一回中。已一齊說出。是人關鍵處。

先是吳神仙。總覽其盛。便是黃真人。少扶其衰。末是普淨師。一洗其業。是此書大照應處。

水鑑定終身。是一番結束。然獨遺陳敬濟。嘻笑下龜兒。又遺潘金蓮。然金蓮卽從其自己口中補出。是故

亦不遺金蓮。當獨遣西門慶與春瓶耳。兩番瓶兒托
夢。蓋又單補西門而某頭陀相面。終爲敬濟一番結
束也。四

未出金蓮。先出瓶兒。既娶金蓮。方出春瓶。未娶金蓮。
却先娶玉樓。未娶瓶兒。又先出敬濟。文字穿插之妙。
不可名言。若夫夾寫蕙蓮。王六兒。賁四嫂。如意兒。諸
人。又極盡天工之巧矣。五

會看金瓶者。看下半部。亦惟會看者。單看上半部。如
生子加官時。唱韓湘子尋叔。嘆浮生猶如一夢等。不
可放舉。細玩方知。六

金瓶有板定大章法。如金蓮有事生氣。心用玉樓在

傍百遍皆然一絲不易是其章法老處他如西門至人家飲酒臨出門時必用一人或一官來拜留坐此又是生子加官後數十回大章法七

金瓶一百回到地俱是兩對章法合其目爲二百件事然有一回前後兩事中用一語過節又有前後兩事暗中一筭過下如第一回用元壇的虎是也又有兩事兩段寫者寫了前一事半段卽寫後一事半段再完前半段再完後半段者有二事而參伍錯綜寫者有夾入他事寫者總之以目中二事爲條幹逐回細玩卽知八

金瓶一回兩事作對固矣却又有兩回作遙對者如

金蓮琵琶瓶兒象棋。作一對。偷壺偷金。作一對等。又不可枚舉。九

前半處處冷。令人不耐看。後半處處熱。而人又看不出。前半冷。當在寫最熱處。玩之即知。後半熱。看孟玉樓上墳。放筆描清明春色。便知。十

內中有最沒正經。沒要緊的一人。却是最有結果的人。如韓愛姐是也。一部中諸婦人。何可勝數。乃獨以愛姐守志結何哉。作者蓋有深意存于其間矣。言愛姐之母爲姐。而愛姐自東京歸。亦曾迎人獻笑。乃一留心敬濟之死。靡他以視瓶兒之于子虛。春梅之于守備。二人固當愧死。若金蓮之遇西門。亦可如愛姐。

之逢敬濟乃一之于琴童再之于敬濟且下及玉清
兒何其比回心之娼妓亦不若哉此所以將愛姐作
結以愧諸婦且言愛姐以娼女回頭還堪守節奈之
何身居金屋而不改過悔非一竟喪廉寡恥于死路
而不返哉十一

讀金瓶須看其大間架處其大間架處則分金梅在
一處分瓶兒在一處又必合金瓶梅在前院一處金
梅合而瓶兒孤前院近而金瓶妬月娘遠而敬濟得
以下手也十二

讀金瓶須看其入筍處如玉皇廟講笑話插入打虎
請子虛卽插入後院緊隣六回金蓮卷卷卽借廟裏

處。插入玉樓。借問伯爵連日那里。卽插出桂姐。借蓋
捲棚。卽插入敬濟。借翟管家。插入王六兒。借翡翠喜
插入瓶兒生子。借梵僧藥。插入瓶兒受病。借碧霞宮
插入普淨。借上墳。插入李衙內。借拿皮襖。插入玳安
小玉。諸如此類。不可勝數。蓋其用筆。不露痕迹處也。
其所以不露痕迹處。總之善用曲筆逆筆。不肯另起
頭緒。用直筆順筆也。夫此書頭緒何限。若一一起之
是必不能之數也。我執筆時。亦必想用曲筆逆筆。但
不能如他曲得無遺。是得不覺耳。此所以妙也。十三

金瓶有節節。露其意。忍內淫聲。和尚偏聽見私

琴童。雪娥。偏知道。更屬險事。墻頭密約。

金瓶有節節

胡盧更屬險事。齊頭密約。

金蓮偏看見蕙蓮偷朝。金蓮偏撞着翡翠。既自謂打聽瓶兒。葡萄架早已照入鐵棍。總受賍。即動大巡之怒。總乞恩。便有平安之謔。調婚後。西門偏就摸着。燒陰戶。胡秀偏就看見。諸如此類。又不可勝數。總之用險筆以寫人情之可畏。而尤妙在既已露破。乃一語即解。絕不費力累贅。此所以為化筆也。十四

金瓶有特特起一事。生一人。而來既無端去亦無謂。如書童是也。不知作者蓋幾許經營。而始有書童之一人也。其描寫西門淫蕩。並及外寵。不必說矣。不知作者蓋因一人之出門。而方寫此書童也。何以言之。瓶兒與月娘始疎而終親。金蓮與月娘始親而終疎。

雖故因逐來昭解來旺起釁而未必至撒潑一番之甚也。夫竟至撒潑一番者。有玉簫不惜將月娘底裏之言罄盡告之也。玉簫何以告之。曰有三章約在也。三章何以肯受。有書童一節故也。夫玉簫書童不使突起爐竈。故寫藏壺構釁于前也。然則遙遙寫來。必欲其撒潑何爲也哉。必得如此方于出門時。月娘亭無憐惜一棄不顧。而金蓮乃一敗塗地也。誰謂金瓶內有一無謂之筆墨也哉。

十五

金瓶內正經寫六個婦人。而其實止寫得四個月娘。玉樓。金蓮。瓶兒是也。然月娘則以大綱故寫之。玉樓雖寫則全以高才被屈滿肚牢騷故。又另出一機輔。

miss level 11/20/11

2011/11/20

寫之。然則以不得不寫。寫月娘。以不肯一樣寫。寫玉樓。是全非正寫也。其正寫者。惟瓶兒。金蓮。然而寫瓶兒。又每以不言寫之。夫以不言寫之。是以不寫處寫之。以不寫處寫之。是其寫處。單在金蓮也。單寫金蓮。宜乎金蓮之惡。冠於衆人也。吁。文人之筆。可懼哉。六于金瓶內。有兩個人。為特特用意寫之。其結果亦皆可觀。如春海與玳安。見是也。于同作了。曩時必用幾遍筆墨。描寫春梅。心高志大。氣象不同。于衆小厮內。必用層層筆墨。描寫玳安。色色可人。後文春梅作夫人。玳安作員外。作者必欲其如此。何哉。見得一部。亥亥書中。翻案故也。何則。止知眼前作婢。不知卽他日之

奇書

讀法

五

夫人止知眼前作僕。不知卽他年之員外。不特他人。轉眼奉承。卽月娘且轉而以上賓待之。末路倚之。則人之眼邊前炎涼。成何益哉。此是作者特特爲人下礎。因要他於污泥中爲後父翻案。故不得先爲之抬高身分也。

十七

李嬌兒。孫雪娥。要此二人何哉。寫一李嬌兒。見其未遇金蓮瓶兒時。早已朔風弄月。迎奸賣俏。許多不肖事。種種可殺。是寫金蓮瓶兒。乃實寫西門之惡。寫李嬌兒。又虛寫西門之惡。寫出來的。旣已如此。其未寫出來的時。又不知何許惡端。不可問之事。子從前也。作者何其深惡西門之如是。至孫雪娥出身微賤。分

不過通房。何其必勞一番筆墨寫之哉。此又作者善
匠心也。夫以西門之惡。不寫其妻作娼。何以報惡人。
然既立意。另一花樣寫月娘。斷斷不忍寫月娘。至于
此也。玉樓本是無辜受毒。何忍更令其頂缸受報。李
嬌兒本是娼家。瓶兒更欲用之孽報于西門生前。而
金蓮更自有冤家債主在。且即使之爲娼于西門。何
損于金蓮。似甚有益。樂此不苦。又何以言報也。故川
寫雪娥。以至于爲娼。以總張西門之報。且暗結宋蕙
蓮一段公案。至于張勝敬濟後事。則又情因文生。隨
手收拾。不然。雪娥爲娼。何以結果哉。十八
又嬌兒色中之財。看其在家管廬。臨去拐財。可見王

六兒財中之色。看其與西門交合時必云。銀買賣。頭房子。說合苗青。總是借色起端也。十九

書內必寫蕙蓮。所以深潘金蓮之惡于無盡也。所以爲後文妬瓶兒時。小試行道之端也。何則。蕙蓮變家。夢偏是他先知。亦如迎春喚猫。金蓮駿見也。使春梅送火山洞。何異教西門早娶瓶兒。願權在一塊住也。蕙蓮跪求。便爾舒心。且許多牢籠。關鎖。何異瓶兒來時。乘醉說一跳板走的話也。兩舌雪娥。使激蕙蓮。何異對月娘說瓶兒是非之處也。卒之來旺。幾死而未死。蕙蓮可以不死。而竟死。皆金蓮爲之也。作者持持。

下瓶兒。甚明。加此一。段。所以危瓶兒也。而瓶兒不悟。

且親密之宜乎其禍不旋踵。後車終覆也。此深著金蓮之惡。吾故曰。其小試行道之端。蓋作者爲不知遠害者寫一樣子。若只隨手看去。便說西門慶又刮上一家人媳婦子矣。夫西門慶殺夫奪妻。取其財。庇殺主之奴。賣朝廷之法。豈必於此。特特撰此一事。以增其罪案哉。然則看官每爲作者瞞過了也。二十

後又寫如意兒何故哉。又作者明白奈何金蓮見其死。蕙蓮死。瓶兒之均屬無益也。何則。蕙蓮總死。金蓮可一快。然而官哥生。瓶兒寵矣。及官哥死。瓶兒亦死。金蓮又一大快。然而如意口脂。又從靈座生香。去掉一個。又來一個。金蓮雖善。固寵巧於制人。於此能不

技窮袖手。其奈之何。故作者寫如意兒。全爲金蓮寫。亦全爲蕙蓮瓶兒憤也。二十一

然則寫桂姐銀兒。月兒。諸妓何哉。此則總寫西門無厭。又見其爲浮薄立品。市井爲習。而于中寫桂姐。特犯金蓮。寫銀姐。特犯瓶兒。又見金瓶二人。其氣味聲息。已全通娼家。雖未身爲倚門之人。而淫心亂行。實臭味相投。彼娼婦猶步後塵矣。其寫月兒。則另用香溫玉軟之筆。見西門一味粗鄙。雖章臺春色。猶不能細心領畧。故寫月兒。又反襯西門也。二十二

寫王六兒。賁四嫂。以及林太太。何哉。曰。王六兒。賁四

嫂。亦太太。三人是三樣寫法。三種意思。寫王六兒者。

專爲財能致色一着做出來你看西門在日王六兒何等趨承。乃一旦拐財遠遁。故知西門于六兒借財鬻色。而王六兒亦借色求財。故西門死必自王六兒家來。究竟財色兩空。王六兒遇何官人。究竟借色求財。甚矣色可以動人。尤未如財之通行無阻。人人皆愛也。然則寫六兒。又似單講財。故竟結入一百回內。至于賁四嫂。却爲玳安寫。蓋言西門止知貪濫無厭。不知其左右親隨。且上行下效。已浸淫乎欺主之風。而竊玉成婚。已伏線于此矣。若云陪寫王六兒。猶是淺着。再至林太太。吾不知作者之心。有何千萬憤懣。而於潘金蓮發之。不但殺之割之。而并其出身之處。

教習之人。皆欲致之死地。而方暢也。何則。王招宣府內。固金蓮舊時賣入學歌學舞之處也。今看其一腔機詐。喪廉寡恥。若云本自天生。則良心爲不可必。而性善爲不可據也。吾知其自二三歲時。未必便如此淫蕩也。使當日王招宣家。男敦禮義。女尚貞廉。淫聲不出於口。淫色不見於目。金蓮雖淫蕩。亦必化而爲貞女。奈何堂堂招宣。不爲天子招服遠人。宣揚威德。而一裁縫家九歲女孩。至其家。卽費許多閒情。教其描眉画眼。弄粉塗朱。且教其做張做致。喬模喬樣。其待小使女如此。則其儀型妻子可知矣。宜乎三官之不肖。荒淫林氏之蕩。閑踰矩也。招宣實教之。夫復何

尤然則招宣教一金蓮以遺害無窮身受其害者前
 有武大後有西門而林氏為招宣還報固其宜也吾
 故曰作者蓋深惡金蓮而並惡及其出身之處故寫
 林太太也然則張大戶亦成金蓮之惡者何以不寫
 曰張二宮頂補西門千戶之缺而伯爵走動說娶嬌
 兒儼然又一西門其受報亦必又有不可盡言者則
 其不着筆墨處又有無限烟波直欲又藏一部大書
 於無筆處也此所謂筆不到而意到者二十
 金瓶寫月娘人人謂西門氏虧此一入內助不知作
 者寫月娘之罪純以隱筆而人不知也何則良人者
 妻之所仰望而終身者也若其夫千金買妾為宗嗣

計。而月娘百依百順。此誠關雎之雅。千古賢婦人也。
若西門慶殺人之夫。劫人之妻。此真盜賊之行也。其
夫爲盜賊之行。而其妻不涕泣而告之。乃依違其間。
視爲路人。休戚不相關。而且自以好好先生爲賢。其
爲心尚可問哉。至其于陳敬濟。則作者已大書特書。
月娘引賊入室之罪。可勝言哉。至後識破奸情。不知
所爲分處之計。乃白日關門。便爲處此已畢。後之逐
敬濟。送大姐。請春梅。皆隨風弄舵。毫無成見。而聽尼
宣卷。胡亂燒香。全非婦女所宜。而後知不甚讀書。四
字誤盡西門一生。且誤盡月娘一生也。何則。使西門
守禮。便能以禮刑其妻。今止爲西門不讀書。所以只

21
娘。雖有爲善之資。而亦流於不知大禮。卽其家常舉動。全無舉案之風。而徒多眉眼之處。蓋寫月娘爲一知學好而不知禮之婦人也。夫知學好矣。而不知禮。猶足遺害無窮。使敬濟之惡。歸罪于已。况不學好者乎。然則敬濟之罪。月娘成之。月娘之罪。西門慶刑于之過也。二十四

文章有加一倍寫法。此書則善於加倍寫也。如寫西門之熱。更寫蔡宋二御史。更寫六黃太尉。更寫蔡太師。更寫朝房。此加一倍熱也。如寫西門之冷。則更寫陳敬濟。在冷舖中。更寫蔡太師充軍。更寫徽欽北狩。真是加一倍冷。要之加一倍熱。更欲寫如西門之熱。

者何限。而西門獨倚財肆惡。加一倍冷者。正欲寫如

西門之冷者何窮。而西門乃不早見幾也。五二十

寫月娘必寫其好佛者。人抑知作者之意乎。作者

講早已勸人六根清淨。吾知其必以空結此財色二

字也。夫空字作結。必為僧乃可。夫西門不死。必不回

頭。而西門既死。又誰為僧。使月娘於西門一死。不顧

家業。卽削髮入山。亦何與于西門說法。今必仍令西

門自己受持方可。夫西門已死。則奈何。作者幾許痴

癡。乃以孝哥兒生于西門死之一刻。卒欲令其回頭

受我度脫。總以聖賢心發菩薩願。欲天下無終諱過

人。無不文之過也。夫人之既死。猶望其改過於

求生然則作者之待西門。何其忠厚慨惻而勸勉于
 天下後世之人。何其殷殷不已也。是故既有此段大
 結束在胸中。若突然於後文。生出一普淨師。幻化了
 去。無頭無緒。一者落尋常巢臼。二者筆墨。則脫落痕
 迹矣。故必先寫月娘好佛。一路屍屍閃閃。如州蛇灰
 線。後又特筆出碧霞宮。方轉到雪澗。而又只一影普
 師。遲至十年。方纔復收到來福寺。且于幻影中將一
 部中有名人物。花開豆爆出來的復一一烟消火滅
 了去。蓋生離死別。各人傳中。皆自有結。此方是一總
 大結束。作者直欲使一部千針萬線。又盡幻化了這
 之千太虛也。然則寫月娘好佛。豈泛泛然為吃齋村

chick

婦。閒寫家常哉。此部書總妙在千里伏脉。不肯作易

安之筆。沒筍之物。也是故妙絕羣書。六十二

又月娘好佛內。便隱三個姑子。許多隱謀詭計。教唆

他燒夜香吃藥安胎。無所不為。則寫好佛。又寫月娘

之隱惡也。不可不知。二十七

內中獨寫玉樓有結果。何也。蓋勸瓶兒金蓮二婦也。

言不幸所天不壽。自己雖不能守。亦且靜處金閨。令

媒妁說合事成。雖不免扇墳之論。然猶是孀婦常情。

及嫁而執扇多悲。亦須寬心忍耐。安于數命。此玉樓

省心賜高諸婦一着。春梅一味托大。玉樓一味膽小。

故後以成就。春梅必竟有失身受嚼齧之危。而玉樓

則一勞而永逸也。二十八

陳敬濟嚴州一事。豈不蛇足哉。不知作者一筆而三用也。一者為敬濟墮落入冷舖作因。二者為大姐一死伏線。三者欲結玉樓實實遇李公子為百年知己。可償在西門家三四年之恨也。何以見之。玉樓不為敬濟所動。固是心焉。李氏而李公子寧死不捨天下。有寧死不捨之情。非知己之情也哉。可必其無白頭吟也。觀玉樓之風韻嫣然。實是第一個美人。而西門乃獨于一濫觴之金蓮。厚故寫一玉樓。明明說西門為市井之徒。知好淫而且不知好色也。二十九

玉樓來西門家合婚過禮以視偷娶迎奸赴會何啻

天壤其吉凶氣象已自不同。其嫁李衙內則依然合
婚。行茶過禮。月娘送親。以視老鴿爭論。夜隨來旺。王
婆領出。不垂別淚。其明晦氣象。又自不同。故知作者
特特寫此一位真正美人。爲西門不知風雅定案也。

十三

金蓮與瓶兒進門。皆受辱。獨玉樓自始至終。無一
貶噫。亦有心人哉。三十

西門是混帳惡人。吳月娘是好險好人。玉樓是乖人。
金蓮不是人。瓶兒是痴人。春梅是狂人。敬濟是浮浪
小人。嬌兒是死人。雪娥是蠢人。宋蕙蓮是不識高低
的人。如意兒是頂缺之人。若王六兒與林太太等直

與李桂姐輩一流。總是不得叫做人。而伯爵希大輩。皆是沒良心的。入兼之蔡太師蔡狀元。宋御史。皆是枉為人也。二三十

獅子街。乃武松報仇之地。西門幾死其處。曾不數日。而子虛又受其害。西門徧往來。俟後王六兒。偏又為之移居此地。賞燈偏令金蓮兩遍。身歷其處。寫小人托天忘患。嗜惡不悔。一筆都盡。三十三

金瓶梅是一部史記。然而史記有獨傳。有合傳。却是分開做的。金瓶梅却是一百回。共成一傳。而千百人。總合一傳。內却又斷斷續續。各人自有一傳。固知作金瓶者。必能作史記也。何則。既已為其難。又何難為。

其易。三十

每見批此書者必貶他書。以褒此書。不知文章乃公
共之物。此文妙。何妨彼文亦妙。我偶就此文之妙者
而評之。而彼文之妙。固不掩此文之妙者也。卽我自
作一文。亦不得謂我之文出。而天下之文皆不妙。且
不得謂天下更無妙文。妙于此者。奈之何。批此人之
文。卽若據爲己有。而必使凡天下之文。皆不如之。此
其用心偏私狹隘。決做不出好文。夫做不出好文。又
何能批人之好文哉。吾所謂史記。易於金瓶。蓋謂史
記分做。而金瓶合做。卽使龍門復生。亦必不謂予差。

但金瓶而予亦並非謂史記反不妙于金瓶。然而金

瓶却全得史記之妙也。文章得失惟有心者知之。我
 止賞其文之妙。何暇論其人之爲古人爲後古之人
 而代彼爭論代彼謙讓也哉。三十
五
 作小說者。絜不留名。以其各有寓意。或暗指某人而
 作。夫作者既用隱惡揚善之筆。不存其人之姓名。並
 不露自己之姓名。乃後人必欲爲之尋端。竟委說出
 名姓何哉。何其刻薄爲懷也。且傳聞之說。大都穿鑿
 不可深信。總之作者無感慨亦必不著書。一言盡之
 矣。其所欲說之人。卽現在其書內。彼有感慨者。反不
 忍明言。我沒感慨者。反必欲指出。真沒搭撒。沒要緊
 也。故別號東樓。小名慶兒。之說。槩置不問。卽作書之

人亦止以作者稱之。彼既不著名于書，予何多贅哉。近見七才子書，滿紙王四，雖批者各自有意，而予則謂何不留此閒工，多曲折于其文之起盡也哉。偶記于此，以白當世。三十一

六

史記中有年表，金瓶中亦有時日也。開口云西門慶二十七歲，吳神仙相面則二十九，至臨死則三十三歲，而官哥則生于政和四年丙申，卒于政和五年丁酉。夫西門慶二十九歲生子，則丙申年至三十三歲，該云庚子，而西門乃卒于戊戌。夫李瓶兒亦該云卒于政和五年，乃云七年，此皆作者故為參差之處。何

不七嘗蜀其也。小說不同，看其三四年間，却是一月

一時推着數去。無論春秋冷熱。卽某人生日。某人某日來請酒。某月某日請某人。某日是某節令。齊齊整整。捱去。若再將三五年間。甲子次序。排得一絲不亂。是真個與西門計帳簿。有如世之無目者所云者也。故特特錯亂其年譜。大約三五年間。其繁華如此。則內云某日某節。皆歷歷生動。不是死板一串鈴。可以排頭數去。而偏又能使看者五色眩目。真有如捱着一日日過去也。此爲神妙之筆。嘻。技至此亦化矣哉。

真千古至文。吾不敢以小說目之也。三十

一百回。是一回。必須放開眼光。作一回讀。乃知其起

盡處。三十

入

一百回。不是一日做出。却是一日一刻創成人想其

創造之時。何以至于創成便如此內。許多起盡費許

多經營。許多穿插裁剪也。三十九

看金瓶。把他當事實看。便被他瞞過。必須把他當文

章看。方不被他瞞過也。四十

看金瓶。將來當他的文章看。猶須被他瞞過。必把他

當自己的文章讀。方不被他瞞過。四十一

將他當自己的文章讀。是矣。然又不如將他當自己

絕去經營的文章。我先將心與之曲折算出。去而後

謂之不能瞞我。方是不能瞞我也。四十七

做文章。不過是情理二字。今做此一篇百回長文。亦

只是情理二字。於一個人心中討出一個人的情理。則一個人的傳得矣。雖前後夾雜衆人的話。而此一人開口。是此一人的情理。非其開口便得情理。由於討出這一人的情理。方開口耳。是故寫十百千人。皆如寫一人。而遂洋洋乎。有此一百回大書也。四十

金瓶每於極忙時。偏夾叙他事入內。如正未娶金蓮。先插娶孟玉樓。娶玉樓時。卽夾叙嫁大姐生子時。卽夾叙吳典恩借債官哥臨危時。乃有謝希大借銀。施兒死時。乃人玉簫受約擇日出殯。乃有請六黃太尉等事。皆於百忙中。故作消閒之筆。非才富一石者。何以能之。外如武松問傅夥計。西門慶的話。百忙裡說

出二兩一月等文。則又臨時用輕筆討神理。不在此等章法內筭也。四十

金瓶梅妙在善於用犯筆而不犯也。如寫一伯爵。更寫一希大。然畢竟伯爵是伯爵。希大是希大。各人的身分。各人的談吐。一絲不紊。寫一金蓮。更寫一瓶兒。可謂犯矣。然又始終聚散。其言語舉動。又各各不亂。一絲。寫一王六兒。偏又寫一賁四嫂。寫一李桂姐。偏又寫一吳銀姐。鄭月兒。寫一王婆。偏又寫一薛媒婆。一馮媽媽。一文嫂兒。一陶媒婆。寫一薛姑子。偏又寫一王姑子。劉姑子。諸如此類。皆妙在特特犯手。却又

各各一款。絕不相同也。四十

金瓶梅于西門慶不作一文筆于月娘不作一頭
 於玉樓則純用俏筆于金蓮不作一鈍筆于瓶兒不
 作一深筆于春梅純用傲筆于敬濟不作一韻筆於
 大姐不作一秀筆于伯爵不作一呆筆於玳安兒不
 着一蠢筆此所以各各皆到也。四十六
 金瓶梅起頭放過一男一女結末又放去一男一女
 如卜志道卓丟兒是起頭放過者錦雲與李安是結
 末放去者夫起頭放過去乃云卜志道是花子虛的
 署缺者不肯直出子虛又不肯明明于十個中止寫
 九個單留一個缺去尋子虛頂補故先着一人隨手
 去之以出其缺而便於出子虛且于出子虛時隨手

出瓶兒也。不然先出子虛於十人之中。則將出瓶兒時。又費筆墨。故卜志道雖爲子虛署缺。又爲瓶兒做楔子也。旣云做一楔子。又何有顧意命名之義。而又必用一名。則只云不知道可耳。故云卜志道至于丟兒。則又玉樓之署缺者。夫未娶玉樓。先娶此人。旣娶玉樓。卽丟開此人。豈如李瓶兒今日守靈。明朝燒紙。丫鬟奶子相伴空房。且一番兩番託夢也。是誠丟閒腦後之人。故云丟兒也。是其起頭放過者。皆意在放過那人去。放入這人來也。至其結末放去者。曰楚雲者。蓋爲西門家中彩雲易散作一影字。又見得美色無窮。人生有限。死到頭來。雖有西子王嬙于我何涉。

則又作者特特為起講數語作証也。至于李安則又與韓愛姐同意。而又為作者十二分滿許之筆。寫一孝子正人義士。以作中流砥柱也。何則。一部書中。上自蔡太師。下至侯林兒等輩。何止百有餘人。并無一個好人。非迎奸賣俏之人。即附勢趨炎之輩。使無李安一孝子。不幾使良心種子滅絕乎。看其寫李安母子相依。其一篇話頭。真見得守身如玉。不敢毀傷髮膚之孝子。以視西門敬濟輩。真猪狗不如之人也。然則末節放過去的兩人。又放不過眾人。故特特放過此二人。以深省後人也。四十七

寫花子虛。即于開首十人中。何以不便出瓶兒哉。夫

詩書

續

作者于提筆時固先有一瓶兒在其意中也先有一瓶兒在其意中其後如何偷期如何迎奸如何另嫁竹山如何轉嫁西門其着數俱已算就然後想到其夫當令何名夫不過令其應名而已則將來雖有如無故名之曰子虛瓶本爲花而有故即姓花忽然於出筆時乃想叙西門氏正傳也于叙西門傳中不出瓶兒何以入此公案特叙瓶兒則叙西門起頭時何以說隔壁一家姓花名某其妻姓李名某也此無頭緒之筆必不能入也然則俟金蓮進門再叙何如夫他小說便有一件件叙去另起頭緒于中惟金瓶梅

施是太史公舊法夫龍門文

着意寫之人。且十分有八分寫此人之人。而于開卷
 第一回中。不總出樞紐如衣之領。如花之蕾。而謂之
 太史公之文哉。近人作一本傳奇。于起頭數折。亦必
 將有名人數點到。况金瓶梅為海內奇書哉。然則作
 者。又不能自己另出頭緒說。勢必借結弟兄時。入花
 子虛也。夫使無伯爵一班人。先與西門打熟。則弟兄
 又何由而結。使寫子虛。亦在十人數內。終朝相見。則
 於第一回中。西門與伯爵會時。子虛係你知我見之
 人。何以開口便提起他家二嫂。即提起二嫂何以忽
 說與咱院子止隔一牆。而二嫂又何如好也。故用
 寫子虛為會外之人。今日拉其入會。而因其隣牆。乃

用西門數語。則瓶兒已出。隣壻已明。不言之表。子虛一家。皆躍然紙上。因又弄到不用卜志道之死。又何因想起拉子虛入會。作者純以神工鬼斧之筆行文。故曲曲折折。止令看者瞠目。而不令其窺彼金針之一度。吾故曰。純是龍門文字。每于此等文字。使我悉心其中。曲曲折折。爲之出入。其起盡。何異入五岳三島。盡覽奇勝。我心樂此。不爲疲也。四十

金瓶內。卽一笑談一小曲。皆因時致宜。或直出本回之意。或是前回。或透下回。當于其下。另自分註也。十四

九

金瓶梅一書于作文之法。無所不備。一時亦難細說。

當各于本回前著明之。五十

金瓶梅說淫話止是金蓮與王六兒處多。其次則瓶兒他如月娘玉樓止一見而春梅則惟于點染處描寫之。何也。寫月娘惟掃雪前一夜。所以醜月娘醜西門也。寫玉樓惟于含酸一夜。所以表玉樓之屈而亦以醜西門也。是皆非寫其淫蕩之本意也。至于春梅欲留之爲炎京翻案。故不得不留其身分。而止用影寫也。至于百般無恥。十分不堪。有桂姐月兒不能出之于口者。皆自金蓮六兒口中出之。其難堪爲何如此。作者深罪西門。見得如此狗彘。乃偏喜之。真不是人也。故王六兒潘金蓮有日一齊動手。西門死矣。其

作者之深意也。至于瓶兒雖能忍耐。乃自討苦處。不
關人事。而氣死子虛。迎奸轉嫁。亦去金蓮不遠。故
不妨爲之馳張醜態。但瓶兒弱而金蓮狠。故寫瓶兒
之淫。畧較金蓮可些。而亦早自喪其命于試藥之時。
甚言女人貪色。不害人卽自害也。吁。可畏哉。若蕙蓮
如意輩。有何品行。故不防唐突。而王招宣府內。林太
太者。我固云爲金蓮波及。則欲報應之人。又何妨唐
突哉。

一五十一

金瓶梅不可零星看。如零星。便止看其淫處也。故必

盡數日之間。一氣看完。方知作者起伏層次貫通氣

脈爲一線穿下來也。五十一

凡人謂金瓶是淫書者。想必伊止知看其淫處也。若我看此書。純是一部史公文字。三 五十

做金瓶梅之人。若令其做忠臣孝子之文。彼必能又

出手眼摹神肖影。追魂取魄。另做出一篇忠孝文字。

也。我何以知之。我于其摹寫奸夫淫婦知之。四 五十

今有和尚讀金瓶。人必叱之。彼和尚亦必避人偷看。

不知真正和尚。方許他讀金瓶梅。五 五十

今有讀書者。看金瓶。無論其父母師傳禁止之。即其

自己。亦不敢對人讀。不知真正讀書者。方能看金瓶

梅。其避人讀者。乃真正看淫書也。六 五十

作金瓶者。乃善才化身。故能百千解脫。色色皆到。不

然正難夢見。五十七

作金瓶者必能轉身。証菩薩果。蓋其立言處。純是犀

角鳳嘴文字故也。五十八

作金瓶梅者必曾于患難窮愁人情世故一一經歷

過。人世最深方能為衆脚色摹神也。五十九

作金瓶梅若果必待色色歷遍。總有此書則金瓶梅

又必做不成也。何則。卽如諸淫婦偷漢種種不同。若

必待身親歷而後知之。將何以經歷哉。故知才子無

所不通。專在一心也。六十

一心所通實又真個現身一番。方說得一番。然則其

情諸淫婦真乃各見淫婦人身為人說法者也。六十

其書凡有描寫莫不各盡人情。然則真千百化身。現各色人等。為之說法者地。六十

其各盡人情。莫不各得天道。即千古弄來。天之禍淫。

福善。顛倒權奸處。確乎如此。讀之似有一人親曾執

筆。在清河縣前。西門家裡。大大小小。前前後後。喫兒

碗兒。一一記之。似真有其事。不敢謂為操筆伸紙。做

出來的。吾故曰得天道也。六十

讀金瓶當看其白描處。子弟能看其白描處。必能自

做出異樣省力。巧妙文字來也。六十

讀金瓶當看其脫卸處。子弟看其脫卸處。必能自出

手眼。作過節文字也。六十

第一奇書

讀法

五

讀金瓶當看其避難處。子弟看其避難就易處。必能

放重筆。拿輕筆。異樣使乖脫滑也。六十

讀金瓶當看其手閒事忙處。子弟會得便許作繁

文字也。六十

讀金瓶當看其穿插處。子弟會得便許他作花園

簇。五色眩人的文字也。六十

讀金瓶當看其結穴發脈關鎖照應處。子弟會得

許他讀左國莊騷史子也。六十

讀金瓶當知其用意處。大會得其處處所以用意處。

方許他讀金瓶梅。方許他自言讀文字也。七十

幼時在館中讀文。見窓友為先生夏楚云。我教你

字想來不曾教你。區區吞予。時尚幼。旁聽此言。卽深自儆省。于念文時。卽一字一字作崑腔曲。拖長聲。調轉數四念之。而心中必將此一字念到是我用出的一字方罷。猶記念的是好古敏以求之一句的文字。如此不三日。先生出會課題。乃君子矜而不爭。予自覺做時不甚怯力。而文成。先生大驚。以爲抄寫他人不然。何進益之速。予亦不能白。後先生留心驗予動靜。見予念文。以頭伏棹。一手指文。一字一字唱之。乃大喜曰。子不我欺。且回顧同窓輩曰。爾輩不若也。今本不通。然思讀書之法。斷不可成片念過去。豈但讀文。卽如讀金瓶梅小說。若連片念去。便味如嚼蠟。止

見滿篇老婆舌頭而已。安能知其爲妙文也哉。夫不
看其妙文。然則止要看其妙事乎。是可一。大抑掄。七

一。讀金瓶。必須靜坐三月。方可。否則。眼光模糊。不能激

射得到。

七十

才不高。由于心粗。心粗由于氣浮。心粗則氣浮。氣愈
浮則心愈粗。豈但做不出好文。并亦看不出好文。遇
此等人。切不可將金瓶梅與他讀。七十

三

未讀金瓶梅。而文字。如是。既讀金瓶梅。而文字。猶如
是此人。直須焚其筆硯。扶犁耕田。爲大快活。不必再

來弄筆硯。自討苦吃也。

七十

四

書者是誠才子矣。然到底是菩薩學問。不是聖賢學問。蓋其專教人空也。若再進一步。到不空的所在。

其書便不是這樣做也。五七十

金瓶以空結。看來亦不是空到地的。看他以孝哥結。便知。然則所云幻花。乃是以孝化百惡耳。七十

金瓶梅到底有一種憤懣的氣象。然則金瓶梅斷斷

是龍門再世。七十

金瓶梅是部改過的書。觀其以愛姐結。便知蓋欲以

三年之艾。治七年之病也。七十

金瓶梅究竟是大徹悟的人做的。故其中將僧尼之

不肖處。一一寫出。此方是真正菩薩真正徹悟。七十

奇書

讀法

三十四

金瓶梅。倘他當日發心。不做此一篇市井的文字。他必能另出韻筆。作花嬌月媚。如西廂等文字也。八十

金瓶必不可使不會做文的人讀。夫不會做文字的人。讀則真有如俗云。讀了金瓶梅也。會做文字的人。讀

金瓶。純是讀史記。八十

金瓶梅。切不可令婦女看見。世有銷金帳底。淺斟低唱之下。念一回于妻妾聽者。多多矣。不知男子中。尚少知勸戒觀感之人。彼女子中能觀感者。幾人哉。少有效法。奈何奈何。至于其文法筆法。又非女子中能學亦不必學。卽有精通書史者。則當以左國風雅。經史與之讀也。然則金瓶梅。是不可看之書也。我又

何以批之以誤世哉。不知我正以金瓶爲不可不
之妙文。特爲婦人必不可看之書。恐人自不知戒。正
反以是咎金瓶梅。故先言之。不肯使金瓶受過也。然
則男子中少知看書者。誰不看金瓶梅。看之而喜者。
則金瓶梅懼焉。懼其不知所以喜之。而第喜其淫逸
也。如是則金瓶誤人矣。究之非金瓶誤之人。自誤之
耳。看之而怪者。則金瓶梅悲焉。悲其本不与人以可
怪。而人想怪其描寫淫逸處也。如是則人誤金瓶矣。
究之非人誤之。亦非金瓶誤之。乃西門慶誤之耳。何
爲金瓶誤人。不善讀書人。粗心浮氣。與之經史。不能
下嚥。偏喜讀金瓶梅。且最不喜讀下半本金瓶梅。是

誤人者。金瓶梅也。何爲人自誤之。夫對人說賊原以
示戒。乃聽者反因學做賊之術。是非說賊者之過也。
被聽說賊者。本自爲賊耳。故金瓶梅不在受過。何以
謂人誤金瓶。金瓶梅寫奸夫淫婦。貪官惡僕。幫閑媚
妓。皆其通身力量。通身解脫。通身智慧。嘔心嘔血。寫
出異樣妙文也。今止因自己日無雙珠。遂悉令世間
將此妙文。目爲淫書。置之高閣。使前人嘔心嘔血。做
這妙文。雖本自娛。實亦欲娛千百世之錦繡才子者。
乃爲俗人所掩。盡付流水。是謂人誤金瓶。何以謂西
門慶誤金瓶。使看官不作西門的事。讀全以我此只

文。心。造。反。也。當。日。約。妙。筆。則。勝。如。讀。一。部。史。記。乃。無

如開卷便止知看西門慶如何如何全不知作者行文的一片苦心。是故謂之西門慶誤金瓶梅。然則仍依舊看官誤看了西門慶的金瓶梅。不知爲作者的。金瓶也。常見一人。此金瓶梅曰。此西門之大帳簿。其兩眼無珠。可發一笑。夫伊于甚年月日。見作者僱工于西門慶家寫帳簿哉。更有讀至敬濟。弄一得雙。乃爲西門大積曰。何其剖其雙珠。不知先生又錯看了也。金蓮原非西門所固有。而作者特寫一春梅。亦非欲爲西門慶所能常有之人而寫之也。此自是作者妙筆妙撰。以行此妙文。何勞先生爲之。傍生瞎氣哉。故讀金瓶者多不善讀金瓶者亦多。予因不揣乃僉。

欲批以請教。雖不敢謂能深作者之底裡。然正因作者叫屈不歇。故不擇狂瞽代為爭之。且欲使有志作文者同醒一醒。長日睡魔少補。文家之法律也。謹曰不宜。八十

金瓶是兩半截書。上半截熱。下半截冷。上半截中有冷。下半截中有熱。八十

金瓶梅因西門慶一分人家。寫好幾分人家。如武大一家。花子虛一家。喬大戶一家。陳洪一家。吳大舅一家。張大戶一家。王招宣一家。應伯爵一家。周守備一家。何千戶一家。夏提刑一家。他如翟雲峰在東京不第。賤計家。以及女眷不往來者。不第。凡這幾家大。

向河縣官員大戶屈指已遍而因一人寫及一縣吁

元惡大惇矣且無論此國有幾家全傾其手深遭

荼毒也可恨可恨

八十

金瓶梅寫西門慶無一親人上無父母下無子孫中

無兄弟幸而月娘猶不以機室自居設也月娘因金

蓮終不通言對面吾不知西門慶何樂乎為人也乃

于此不自改過自修且肆惡無忌宜乎就死不悔也

八十

書內寫西門許多親戚通是假的如喬親家假親家

也翟親家愈假之親家也楊姑娘誰氏之姑娘愈假

之姑娘也應二哥假兄弟也謝子純假朋友也至于

花大舅二舅更屬可笑。真假到沒文理處也。敬濟兩番披麻戴孝。假孝子也。至于沈姨夫。韓姨夫。不聞有姨娘來。亦是假姨夫矣。惟吳大舅二舅而二舅又如鬼如蛾。吳大舅少可。故後卒得吳大舅畧畧照應也。彼西門氏並無一人。天之報施亦慘。而文人惡之者亦毒矣。奈何世人。于一本九族之親。乃漠然視之。且恨不排擠而去之。是何肺腑。八十金瓶何以必寫西門慶。孤身一人。無一着已親哉。蓋必如此方見得其起頭。熱得可笑。後文一冷便冷到徹底。再不能熱也。八十

作者直欲使此清河縣之西門氏冷到徹底。並無一

人雖屬寓言。然而其恨此等人。直使之千百年後。亦不復望一復燃之灰。吁。文人亦狠矣哉。八十

金瓶內有一李安。是個孝子。却還有一個王杏菴。是個義士。安童是個義僕。黃通判是個益友。曾御史是忠臣。武二郎是個豪傑。悌弟。誰謂一片淫慾世界中。

天命民謫。為盡滅絕也哉。八十

九

金瓶雖有許多好人。却都是男人。並無一個好女人。屈指不二色的。要算月娘一個。然却不知婦道。以禮持家。往往惹出事端。至于愛姐。晚節固可佳。乃又守得不正經的節。且早年亦難清白。他如葛翠屏。蘆家領去。作者固未定其末路。安能必之也哉。甚矣。婦人

陰性。雖豈無貞烈者。然而失守者易。且又在各人。之
教。觀於此。可以稟型于之懼矣。齊家者。可不慎哉。
金瓶梅內。却有兩個真人。一尊活佛。然而總不能救
一個妖僧之流毒。妖僧為誰。施春藥者也。九十
武大毒藥。既出之。西門慶家。則西門毒藥。固有人現
身而來。神仙真人。活佛。亦安能逆天而救之也哉。九十

二

讀金瓶。不可呆看。一呆看便錯了。九十

讀金瓶。必須置唾壺于側。庶便于擊。九十

讀金瓶。必須列寶劍于右。或可劃空泄憤。九十

讀金瓶。必須懸明鏡于前。庶能圓滿照見。九十

請金瓶必置大白于左庶可痛飲以消此世情之

七九十

讀金瓶必置名香于几庶可遙謝前人感其作

曲曲折折以娛我八九十

讀金瓶必須置香茗于案以奠作者苦心九十

金瓶純是禪門圓通後做法我批金瓶亦批其圓通

處也一百

金瓶亦並不曉得有甚圓通我亦正批其不曉有甚

圓通處也百一

金瓶以空字起結我亦批其以空字起結而已到底

不敢以空字誣我聖賢也百二

金瓶處處體貼人情天理。此是莫真能悟徹了。此是其不空處也。百三

金瓶梅是大手筆。却是極細的心思。做出來者。百四

金瓶梅是部懲人的書。故謂之戒律。亦可。雖然又云

金瓶梅是部入世的書。然謂之出世的書。亦無不可。

五百

金瓶梅三字連貫者。是作者自喻。此書內雖包藏許

多春色。却一朶一朶一瓣一瓣。費盡春王。當注之金

瓶。流香芝室。爲千古錦繡才子。作案頭佳玩。斷不可

使村夫俗子。作枕頭物也。噫。夫金瓶梅花。全憑人力。

以補天工。則又如此書處處以文章奪化工之巧也。

此書為繼殺狗記而作。看他隨處影寫兄弟如何九
之弟何十。楊大郎之弟楊二郎。周秀之弟周宣。韓道
國之弟韓二。搗鬼。惟西門慶陳敬濟無兄弟可想。百
以玉樓彈阮起。愛姐抱阮結。乃是作者滿肚皮倡狂
之淚。沒處酒落。故以金瓶梅為大哭地也。百八

Vertical text on the right edge, possibly a page number or title fragment.

大正...

...

...

...

...

天百六

金瓶以冷熱二字開講。抑孰不知此二字爲一部之
金鑰乎。然于其點睛處。則未之知也。夫點睛處安在。
日在溫秀才韓駁計。何則韓者冷之別名。溫者熱之
餘氣。故韓駁計于加官後卽來。是熱中之冷信。而溫
秀才自磨鏡後方出。是冷字之先聲。是知禍福倚伏
寒暑盜氣。天道有然也。雖然熱與寒爲匹。冷與溫爲
匹。蓋熱者溫之極。韓者冷之極也。故韓道國不出于
冷局之後。而出熱局之先。見熱未極而冷已極。溫秀
才不來于熱場之中。而來于冷局之首。見冷欲盛而
熱將盡也。噫嘻。一部言冷言熱。何啻如花如火。而其

點睛處。乃以此二人。而數百年讀者。亦不知其所以。作韓溫二人之故。是作書者固難。而看書者爲尤難。豈不信哉。

第一奇書非注書論

詩云以爾事來以我賄遷此非瓶兒等輩乎又云子不
我思豈無他人此非金海等輩乎狂且狡童此非西門
敬濟等輩乎乃

先師手訂文公細註豈不曰此淫風也哉所以云詩三百
一言以蔽之曰思無邪註云詩有善有惡善者起發人
之善心惡者懲創人之逆志聖賢著書立言之意固昭
然于千古也今夫金瓶一書作者亦是為褻寰風雨孽
兮子裕者詩細為摹倣耳夫微言之而文人知微顯言
之而流俗皆知不意世之看者不以為懲勸之章終反
以為行樂之符節所以目為淫書不知淫者自見其為

淫耳但日今舊板現在金陵印刷原本四處流行真賣
子小子憫作者之苦心新同志之耳目批此一書其寓
意說內將其一部奸夫淫婦悉批作草木勾影一部淫
情艷語悉批作起伏奇文至于以弟字起孝字結一片
天命民彛殷然慨惻又以玉樓杏菴臨出作者學問經
緯使人一覽無復有前此之金瓶矣但恐不學風影等
輩借端恐說意在騙詐夫現今通行發賣原未
禁止小子窮愁著書亦書王嘗事又非借此沾各本因
家無寸土欲覓蠅頭以養生耳即云奉行

禁止小子非套翻原板固云我自作我的金瓶梅我的金

瓶梅上洗淫亂而存孝弟愛帳簿以作文章直使金瓶

言水消危解則弊小予勞金無極原板亦何不可去
 邪說當辟而辟邪說者必就邪說而辟之其說万息今
 我辟邪說而人非之是非之者必邪說也若不預先辨
 明

當世君子為其所惑况小子年始二十有六素與人全無
 恩怨本非借不律以泄憤懣又非囊有餘錢借梨棗以
 博虛名不過為糊口計爾不若... 何害錫之何差
 是用抒誠以告

仁人君子其其量之

新(字)書

新(字)書



Faint, illegible text or markings, possibly bleed-through from the reverse side of the page.

玉瓶梅寓意說

裨官者。寓言也。其假捏一人。幻造一事。雖爲風影之
談。亦必依山點石。借海揚波。故金瓶一部。有名人物。
不下百數。爲之尋端竟委。大半皆屬寓言。庶因物有
名。托名撫事。以成此一百回曲曲折折之書。如西門
慶。潘金蓮。王婆。武大。武二。水滸傳中。原有之人。金瓶
因之者。無論。然則何以有瓶梅哉。瓶因慶生也。蓋云
貪慾嗜惡。百骸枯盡。瓶之罄矣。特特撰出瓶兒。直令
千古風流人。同聲一哭。因瓶生情。則花瓶而子虛姓
花。銀瓶而銀姐名。銀瓶與屏通。窺春必于隙底。屏鏡
芙蓉。玩賞芙蓉。亭蓋爲瓶兒。插筍而私窺。二回卷首

詞內必云綉面芙蓉一笑開。後玩燈一回。燈賦內有
花燈芙蓉燈蓋金瓶合傳。是因瓶假屏。又因屏假芙
蓉。浸淫以入于幻也。屏風二字相連。則馮媽媽必隨
瓶兒而當大理屏風。又點晴妙筆矣。芙蓉栽以正月
台艷于中秋搖落于九月。故瓶兒必生于正月十五
嫁以八月廿五。後病必于重陽死以十月。總是芙蓉
譜內時候。噲頭物去。親事杳然。瓶兒悔矣。故蔣文蕙
將聞悔而來也者。然瓶兒終非所據。必致逐散。故又
號竹山細。瓶兒心事中生出此一人。如意為瓶兒
後身故為熊氏。姓張熊之所貴者。膽也是如意。乃瓶
兒好倒插花。如意莖露獨嘗。皆瓶兒

長耳故在兒好倒插花如意莖露獨嘗皆瓶兒

瓶。曉之本。色。情。景。官。哥。幻。其。名。意。亦。皆。官。密。哥。密。故。
 以。雪。賊。死。之。瓶。遇。猫。擊。焉。能。不。碎。銀。瓶。墜。井。于。古。傷。
 心。故。解。衣。而。瓶。兒。死。託。夢。必。于。何。家。銀。瓶。失。水。矣。竹。
 籃。打。水。成。何。益。哉。故。用。何。家。藍。氏。作。意。中。人。以。送。西。
 門。之。死。亦。瓶。之。餘。意。也。至。于。梅。又。因。瓶。而。生。何。則。瓶。
 裡。梅。花。春。光。無。幾。則。瓶。罄。骨。髓。暗。枯。瓶。梅。又。為。衰。
 朽。在。即。梅。雪。不。相。下。故。春。梅。寵。而。雪。娥。辱。春。梅。正。泣。
 而。雪。娥。愈。辱。月。為。梅。花。主。人。故。永。福。相。逢。必。云。放。主。
 而。吳。典。恩。之。事。必。用。春。梅。襄。事。冬。梅。為。奇。寒。所。迫。至。
 春。吐。氣。故。不。垂。別。淚。乃。作。者。一。腔。炎。涼。痛。恨。發。于。筆。
 端。至。周。舟。同。音。春。梅。歸。之。為。載。花。舟。秀。臭。同。音。春。梅。

詩書

萬意說

二

遺臭載花舟。且作糞舟而周義乃野渡無人中流蕩
漾。故求福寺裡普淨座前必用周義轉世爲高留住
兒言須一篇留住方登彼岸。然則金蓮豈盡無寓意
哉。蓮與芰類也。陳舊也。敗也。敬莖同音。敗莖芰荷言
蓮之下場頭。故金蓮以敬濟而敗。倖僥得金蓮芰莖
之罪。西門乃打鐵棍。鐵棍芰莖影也。舍娘而罪影所
謂糊塗。敗莖不耐風霜。故至嚴州而鐵指里一折。卽
下。幸徐崱相救。風少勁。卽吹去矣。次後過街鼠尋風
是真朔風。風利如刀。刀利如風。殘枝敗葉安得不摧
哉。其父陳洪已爲露冷蓮房。墜粉紅。其舅張團練。娘
去。又荷盡已無擎雨蓋。留此敗莖支持風雪。總寫蓮

之不堪處。益知夏龍溪爲金蓮勝時寫也。溫秀才積
 至水秀才。再至倪秀才。再至王潮兒。總言水枯蓮謝
 惟餘數莖敗葉。潦倒污泥。所爲風流不堪回首。無非
 爲金蓮污辱下賤寫也。蓮名金蓮。瓶亦名金瓶。侍女
 偷金蓮瓶相妬。鬪葉輸金蓮花。飄菱菱莖用事矣。他
 如宋蕙蓮。王六兒亦皆爲金蓮寫也。寫一金蓮不足
 以盡金蓮之惡。且不足以盡西門月娘之惡。故先寫
 一宋蕙蓮。再寫一王六兒。總與潘金蓮一而二二而
 三者也。然而蕙蓮荻簾也。望子落簾兒墜。含羞自縊。
 又爲父竿挑簾一回。重作渲染。至王六兒。又黃蘆兒
 別音。其娘家王母猪。黃蘆與黃竹相類。其弟王經亦

黃蘆莖之義。蘆莖葉皆後空。故王六兒好幹後庭花。亦隨手成趣。蘆亦有影。故看燈夜。又用鐵棍一觀。春風是蘆荻皆蓮之副。故曰二人皆爲金蓮寫。此一節寫金寫瓶寫梅之大梗槩也。若夫月娘爲月。徧照諸花生于中秋。故有桂兒爲之女。掃雪而月娘喜。踏雪而月娘悲。月有陰晴明晦也。日月下吹簫。故用玉簫。月滿兔肥。盈已必虧。故小玉成婚。平安卽偷鍍金鈎。于到南瓦子裡耍。蓋月照金鈎于南瓦上。其虧可見。後用雲裡守入夢。月被雲遮。小玉隨之。與兔俱隱。情文明甚。李嬌兒乃桃李春風。牆外枝也。其弟李銘言。

里月小音可發一美。至實四嫂與林太太乃葉落林。

48
空春光已去。賈四嫂姓葉。作盤。不戰。西門慶將至其家。必云吩咐後生玉頭。是背而落水頭。黃一葉也。林太太用文嫂相通。文嫂住捕衙廳前。女名金大姐。乃蜂衙中一黃蜂。所云蜂媒是也。此時愛月初籠。兩番賞雪。雪月爭寒。空林葉落。所爲蓮花芙蓉。安能寧耐哉。故瓶死蓮。尋獨讓春梅爭香吐艷。而春鴻春燕。又喻韶光迅速。送鴻迎燕。無有停息。來爵改名來友。見花事闌珊。燕鶯遺恨。其妻惠元。三友會于園。看杜鵑啼血矣。內有玉簫勾引春風。外有玳安傳消息。簫有合歡之調。惠蓮惠元以之。簫有離別之音。故三章約乃陽關聲。西門聽之。能不動深悲耶。惹艸粘花。必

用玳安。一日嬉遊蝴蝶巷。再日密訪蜂媒。已明其爲
蝶使矣。所謂玳瑁斑花蝴蝶。非歛書童則因簫而有
名。蓋篇內寫月寫花寫雪。皆定名一人。惟風則止有
馮媽媽。太守徐封。雖亦一人。而非花嬌月媚。正經脚
色。故用書童與玉簫合。而蕭疎之風動矣。未必云私
挂一帆。可知其用意寫風。然又通書爲梳。故書童生
于蘇州府長熟縣。字義可思。媚客之唱。必云。晝損了
掠兒。稍接手云。賁四害怕。梳子在座。篋子害怕。妙絕
艷異。遺意爲男寵。報仇金蓮。必云。打了象牙。明點牙
梳。去必以瓶兒。喪內瓶墜。簪折。牙梳。零落。蕭疎風起。
春意。關冊。易。關。三。香。大家將談。寡也。金瓶之大槩。寓

言如此其他刺意不能殫述推此觀之筆筆皆然

其寫玉樓一人則又作者經濟學問色色自喻皆到

試細細言之玉樓簪上鑄玉樓人醉杏花天來自揚

家後嫁李家遇薛嫂而受屈遇陶媽媽而吐氣分明

為否無疑杏者幸也身毀名污幸此殘軀留于人世

而住居臭水巷蓋言無妄之來遭此荼毒汚辱難忍

故著書以泄憤嫁于李衙內而李貴隨之李安往依

之以理為貴以理為安歸于真定棗強真定言吾心

淡定棗強言黽勉工夫所為勿助勿忘此是作者學

問王杏菴送貧兒子晏公廟任道士為徒晏安也在

與人通又與仁通言我若得志必以仁道濟天下使

第一尚書 萬意說

五

天下匹夫匹婦皆在晏安之內以養其生。昔入于人倫之中以復其性。此作者之經濟也不謂有金道士淫之。又有陳三引之言爲今人聲色貨利浸淫已久我方竭力養之教之。而今道又使其舊性復散不可救援。相率而至于末福寺內共作孤魂而後已。是可悲哉。夫末福寺湧于腹下此何物也。其內僧人一日胡僧再曰道堅一肖其形一美其號。末福寺真生我之門死我戶。故皆于死後同歸于此。見色之利害而萬迴長老其迴腸也哉。他如黃龍寺脾也。相國寺相火也。拜相國長老歸路避風黃龍明言相火動而脾風發。故西門死氣如牛吼已先于東京言之矣。是

皇廟心也。二重殿後一重側門。其心尚可問哉。故

吳道士主持結拜心。既無道結拜何益。所以將玉皇

廟始而求福寺結者。以此更有因一事而生數人者。

則數名公同一義。如車批淡管世事。寬游守手郝好

賢開四人共一寓意也。又如李智枝黃四梅李盡黃

春光已暮。二人共一寓意也。又如帶水戰一回。前云

聶揠兩湖尚上小塘汪北彥沿三人共一寓意也。又

如安沈枕宋送喬年喻色慾傷生。二人共一寓意也。

又有因一人而生數名者。應伯自爵爵字光侯謙謝

希携大帶紫字子唇純住祝實十年孫天化謙字

伯不修羞常時節借卜不志知道吳無典恩雲禮

守手。字非飛。去。白賴光。字光湯。賁。第地傳傳。負自。

新心。甘乾。出身韓道。馮國鬼。因西門慶不肖生出教。

名也。又有卽物為名者。如吳神仙。乃鏡也。名無真水。

鑑照人無失也。黃真人土也。瓶墜簪折。黃土傷心。木。

用楚雲一人。遙影。正是彩雲易散。潘道士。拚也。死孽。

已成。拚着一做也。又有隨手調笑。如西門慶父。名達。

蓋明捏土音。言西門之達。卽金蓮所呼達達之達。設。

問其母何氏。當必云娘氏矣。桂姐接丁二官。打丁之。

人也。李禮外傳。取其傳話之意。侯林兒言樹倒糊。

散。此皆掉子成趣處。他如張好問。白汝晃謊之類。

司文。甚道。甚會。皆見。在。皆。交。骨。之。十。片。天。定。章。

51
沈愛姐繼其後抱阮以往湖州何官人家依二搗且
以終是作者窮途有淚無可洒處乃于愛河中搗此
一篇鬼話明亦無可如何之中作書以自遣也至其
以孝哥結入一日回用普淨幻化言惟孝可以消除
萬惡惟孝可以求錫爾類今使我不能全孝即曾反
思爾之于爾親却是如何千秋萬歲此恨綿綿恁恁
蒼天曷有其極悲哉悲哉

春天得并其時甚速


德源聖德下以木

以筆與諸人一二

一語誤語則亦無

則外具於春窮秋

引張地勢與地



第一奇書金瓶梅 趕談

提傀儡兒上場還少一日氣兒哩

兩隻脚還趕不上一張嘴哩

婆兒燒香當不的老子念佛

老鼠尾靶生浴兒有膿也不多

着緊處鏈把兒也不動

馬蹄刀木杓裏切菜水也不漏

山核桃差着一隔兒

賣粉團的撞見敲板兒蠻子叫冤屈麻飯脫胆帳

離城四十里見蜜蜂兒搨屎出門交癩象絆了一交

原來覷遠不覷近

禿子包網巾 饒這一坵子也罷了

馬回子拜節來到就是

臘鴨子煮在鍋裏身子爛化了嘴兒還硬

打三箇恭唱兩箇喏誰見來

養蝦慕得水盞兒病

屬扭瓜兒糖的你扭扭兒也是錢不扭也是錢

鄉裏媽媽拜一佛磕頭磕勾了

羊角葱靠南
增越發老辣

毬子心腸滾
上滾下

蓋箇廟兒立
起箇旗桿來就是謊神爺

老媽媽睡着
吃臘肉是恁一絲一絲的

53
投充了新軍又撥起石頭來了

蹀小板凳兒糊險道神還差着一帽頭子哩

失逃了家鄉那裏尋犢兒去

夾道賣門神看出來的好画兒

不說這一聲不當啞狗賣

玉黃李子搯了一塊見去了

好合的劉九兒

鬼酉上車兒推醜東瓜花兒醜的沒時了

曹州兵備管的事兒寬

屁股大吊了心

什麼三隻腿金剛兩箇鯨角的象

太山游到領的衣服

屬麵筋的倒且是有斬道

老兒不發恨婆兒沒布裙

坐家的女兒偷皮匠逢着的就上

賈瞎子傳操乾起了箇五更

隔牆掠肝腸死心塌地

兜肚斷了帶子沒的絆了

吹殺燈擠眼兒後來的事看不見

隔牆掠鬼臉兒可不把我誑殺

愛奴兒掇着獸頭往城外掠好箇丟醜的孩兒

唐詩子布在醋缸裏把你撇酸了

盆撞下錢刷籌

燈草拐杖做不得主

刀到猪頭爛錢到公事辦

賣瓜子兒開廟子打噴噴瑣碎一大堆

你大拳打了人這回拿手來擗準

褲兜折了靠背兒沒的倚了

三婆子賣了磨沒的堆了

三十九只吃酒

小處匠跟着行香的走鎖碎一浪湯

出籠的鷄鶩也是個快鬪的

豆芽菜有甚細兒

党太尉吃箇食照樣兒

猪八戒坐在冷鋪中醜的沒對兒

雞兒不撒尿各自有去處

伊查毯兒面前光不知裏面受晒惶

酒上迷迷後人眼

妻兒趙迎春各自尋頭奔

醜菲萊人不得蹊兒

臘月蘿蔔動了心

拔了蘿蔔地皮寬

正月連陰想他好情兒

一回 熱結。弟字起

二回 勾情說技

三回 受賄私桃

四回 幽歡義憤

五回 捉奸飲鳩

六回 瞞子遇雨

七回 說媒氣罵

八回 古卦燒靈

九回 偷娶捉打

十回 充配。金瓶梅三字至此全起

十一回 激打梳籠

十二回 私僕魔勝

十三回 密約私窺

十四回 種孽迎奸

十五回 賞燈幫間

十六回 擇吉追歡

十七回 劫奸許嫁

十八回 脫禍消魂

十九回 退打情威

二十回 趨奉爭風

廿一回 掃雪。金瓶梅三人至此暢聚

廿二回 偷期正色

廿三回 輪鈔潛踪

廿四回 戲嬌怒詈

廿五回 軟語醉誘

廿六回 通解含羞

廿七回 私語醉鬧

廿八回 僥倖糊塗

廿九回 水盞。全部結果

三十回 單恩 雙喜 構爨 為歡

三十二回 認女 驚見

三十三回 爭屋

三十四回 乞恩 說事

三十五回 報仇 媚客

三十六回 寄書 留飲

三十七回 說媒 包占

三十八回 棒槌 琵琶

三十九回 寄名 拜壽

四十回 希寵 市愛

四十一回 朕婿 全憤

四十二回 烟火 花燈

四十三回 爭寵 賣富

四十四回 偷金 消夜

四十五回 勸賞 解衣

四十六回 走雨。雨番結束

四十七回 害主 在法

四十八回 私情 捷徑

四十九回 屈體 現身

五十一回 品玉 輪金

五十二回 山洞 花園

五十三回 驚歡 求子

五十四回 戲劍 彫瓶

五十五回 雨慶 一諾

五十六回 助友 救妻

五十七回 千金 一笑

五十八回 打狗 磨鏡

五十九回 孝子著書之意在此教人以孝之意亦在此此回以一個孝字照應一百回孝哥的孝字

五十九回 露陽 覓物

六十回 死孽 生涯

六十一回 醉燒 病晏

六十二回 法道 大衆

六十三回 觀戲

六十四回 一戰

六十五回 守靈

六十六回 致轉

六十七回 賞雪入夢

六十八回 戰脚密訪

六十九回 初調驚走

七十回 朝房庭參

七十一回 再夢引奏

七十二回 掘打義拜

七十三回 吹蕭試帶

七十四回 假玉談經

七十五回 合酸撒潑

○是作者一腔憤懣無可發泄處

七十六回 嬌撒哭艱

七十七回 雪訪水戰

七十八回 再戰獨嗜

七十九回 喪命生兒

八十回 售色盜財

八十一回 拐財欺主

八十二回 得双冷面

八十三回 含恨寄柬

八十四回 碧霞雪洞

八十五回 知情惜淚

八十六回 凌打解渴

八十七回 忘禍祭兄

八十八回 感舊埋尸

八十九回 寡婦夫人

九十回 盜拐受辱

九十一回 愛嫁怒打

九十二回 被后大鬧

九十三回 義恤妻遙

九十四回 酒樓娼家

九十五回 竊玉負心

九十六回 遊舊當面

九十七回 假續真借

○一部真假總結照轉冷熱二字

九十八回 舊識
情遇

九十九回 醉罵
竊折

一百回 路遇
孝字結

凡看一書。必看其立架處。如金瓶梅內。房屋花園。以及使用人等。皆其立架處也。何則。既要寫他六房妻小。不得不派他六房居住。然全分開。既難使諸人連合。全合。又難使各人的事實入來。且何以見西門豪富看他妙。在將月樓寫在一處。嬌兒在隱現之間。後文說挪廂房與大姐住。前又說大妗子見西門慶。揭簾子進來。慌的往嬌兒那邊跑。不迭。然則嬌兒雖居廂房。却又緊連上房東間。或有門可通者也。雪娥在後院近廚房。特特將金瓶梅三人。放在前邊花園內。見得三人。雖爲侍妾。却似外室。名分不正。贅居其

家反不若李嬌兒以娼家娶來。猶爲名正言順。則穀夫奪妻之事。斷斷非千金買妾之目。而金梅合又分出瓶兒爲一院。分者理勢必然。必緊隣一墻者爲姒寵相爭地步。而大姐住前廂。花園在儀門外。又爲敬濟偷情地步。見得西門慶一味自滿。託大意。謂惟我可以調弄人家婦女。誰敢狎我家春色。全不想這樣妖淫之物。乃令其居于二門之外。墻頭紅杏。閑且閑不住。而况于不閑也哉。金蓮固是冷容誨淫。而西門慶實自慢藏誨盜。然則固不必罪陳敬濟也。故云寫其房屋。是其間架處。猶欲耍獅子。先立一場。而唱戲先設一臺。恐看官混混看過。故爲之明白。開出使看。

官如身入其中。然後好看書內有名人數。進進出出。穿穿走走。做這些故事也。他如西門慶的家人婦女。皆書內聽用者。亦錄出之。令看者先已了了。俟後遇某人做某事。分外眼醒。而西門慶淫過婦人名數。開之。足令看者傷心慘目。爲之不忍也。若夫金蓮不異夏姬。故于其淫過者。亦錄出之。令人知覺。

西門慶家人名數

來保 子僧保兒小舅子劉舍

來旺

玳安

來興

平安

來安

書童

畫童

琴童

又琴童

天福見改者

棋童

來友

王顯

春鴻

春燕

王經 係家丁

來昭 蟹鉄棍兒

後生

榮海

司茶

鄭紀

燒火

劉包

小郎

胡秀

外甥小郎

崔本

看墳

張安

卷之...

...

...

...

...

...

...

...

...

...

...

...

...

...

...

...

...

...

...

61
西門慶家人媳婦

來旺媳婦 二其一則宋蕙蓮

來昭媳婦 一文青

來保媳婦 惠祥

來爵媳婦 惠元

來興媳婦 惠秀

丫鬟

玉簫

小玉

蘭香

小鸞

夏花

元宵兒

迎春

綉春

春梅

秋菊

中秋兒

翠兒

奶子如意兒

西門慶淫過婦女

李嬌兒

卓丟兒

孟玉樓

潘金蓮

李瓶兒

孫雪娥

春梅

迎春

綉春

蘭香

宋蕙蓮

來爵媳婦惠元

五六兒

賁四嫂

如意兒

林太太

季桂姐

吳銀兒

鄭月兒

意中人。

何千戶娘子藍氏

王三官娘子黃氏

錦雲


外寵

書童

王經

潘金蓮

王六兒



潘金蓮淫過人目

張大戶

西門慶

琴童

陳敬濟

王潮兒

意中人

武二郎

外寵

西門慶

惡姻娖

武植

藏○春○芙○蓉○鏡○

鄆○哥○口○

和○尚○耳○

春○梅○秋○波○

猶○見○眼○中○

鐵○棍○舌○畔○

秋○菊○夢○內○

附

潘金蓮品的簫

對

西門慶投的壺

